



گوجری ٹوپی

ہتھ نال بنائی جان آلی گوجری ٹوپی قبیلوں کی عورتاں ماں سب توں متی مقبول ہیں۔ اس ٹوپی ناں زنانیاں کے علاوہ نکا بچاں تے بزرگاں واسطے بھی بناؤ جائے۔ گوجری ٹوپی کا بکھ بکھ ناں بھی اُنھاں کی بناوٹ دیکھتاں رکھیا ہیں۔ جس ماں لچکوخا صومشہور ہے

ٹوپیاں کی تاریخ ماں گوجری ٹوپی اپنی سجاوٹ تے بناوٹ کی وجہ نال سب توں بکھری پچھان رکھے۔ ات توڑی کے یاہ ٹوپی گوجر بکروال قبیلوں کی عورتاں کی منڈلی پچھان ہے۔ ان ٹوپیاں نادھاگاتے کپڑا نال بناؤ جائے۔ جس پرکئی دھیاڑاں کی محنت لگے۔ سوئیاں نال سیڑی جان آلی اس ٹوپی کو مل پنج سوروپہ تو شروع ہو کے ڈیڑھ ہزار روپیہ توڑی ہو سکے۔ خانہ بدوش گجراں ماں اس کی مقبولیت کی وجہ اس ٹوپی کو سونہپ، اس کی مضبوطی تے اس کو گرم ہونو بھی ہے۔

بچاں واسطے بنائی جان آلی گوجری ٹوپي نابيڑاں تے چاندي کا زيورات
نال سجا يو جائے جد کہ سر کے اُپراک پھمّنی بھی رکھی جائے۔ جس نال ٹوپي زياده
سوہنی تے بچاں پر سجن آلی ثابت ہوے۔ بچاں کی ٹوپي کا بھی کئی ڈيزائن ہيں
جھيڑا اڄ بھی دور دراز رہن آلا لوکاں ماں خاص مشہور ہيں۔

بزرگاں کی ٹوپياں کی بناوٹ بھی کالسرياں کی ٹوپياں تے زری بکھری
ہوے۔ اس ماں رنگ بھی بکھطراں کا برتيا جائیں ہور ياہ اُپروں تریکونی طرح
کی ہوے۔

گوجراں کی ہتھ کھڑياں ماں ٹوپي کی چلت سب توں زيادہ ہے۔ ہر گراں،
شہر ماں اڄ بھی کال میری اس ٹوپي نابڑی دلچسپی نال لاویں۔ ہور نوں نسل
ماں بھی ياہ ٹوپي خاص پسند کی جائے۔ بھانویں جے ٹوپي بنان آلا کجھ علاقہ اپنی
بکھری پچھان رکھیں جن ماں بانڈی پور بھی ایک ہے۔ ہر گھر ماں کائے ناکائے
عورت جوان ہوئے یا بڈھی اپنا ہتھاں نال ٹوپي سیٹرن بنان کوہنر رکھے۔ یوہ ہنر
اڄ بھلیں بھلیں مکتو جارہیو ہے۔ تے اس نارہتی نسلاں توڑی پچھان واسطے اس کو
زندہ رہنؤ ضروری ہے۔ لہذا نوں نسل نا اس ہنر نا اپنا نوہوئے گو۔



1۔ لفظ تے ان کو مطلب:

لچکو : اک طرح کی اُچی گوجری ٹوپی

بکھری : بکھ، الگ

سیٹرنو : بُتو، بناؤ

سوہنپ : چنگیائی، خوبصورتی

پھُمنی : اک طرح کو ہتھ کو بنایو پھل

تریکونی : ترے پاسے آلی

بھلیں بھلیں : آہستہ آہستہ

2۔ سوالات:

(۱) گوجری ٹوپی عورتاں کے علاوہ کن کن واسطے بنائی جائے؟

(۲) اس قبیلہ کی عورتاں کی پچھان ماں گوجری ٹوپی نے کے کردار ادا کیو؟

(۳) گوجری ٹوپی کو مل کے ہے؟

- (۴) بچاں کی گوجری ٹوپی کاں نان سجایو جائے؟
- (۵) بزرگاں کی گوجری ٹوپی باقی گوجر ٹوپیاں توں کس طرح مختلف ہے۔
- (۶) گوجری ٹوپی کا اس ہنر نا کس طرں بچایو جاسکے؟

3۔ تلے دتا گیا لفظاں نا اپنا جملہاں ماں استعمال کرو:

ہتھ، عورت، کپڑا، سونیں، ٹوپی، ہتھ کھڈی، ہنر